

欽定四庫全書

子部

醫壘元戎卷四



南京中医药大学图书馆版权所有

詳校官太醫院八品吏目臣黃發

編修臣倉聖脈覆勘

欽定四庫全書

醫壘元戎卷四

醫壘元戎

元 王好古 撰

陽明證 王朝奉集註識語例

語無次也凡胃實有燥屎則譫語故經曰實則譫語

虛則譫語即虛者重語也非輕重之重 譫語有數

種 有合病者譫語三陽

合病身重口不便而煩語遺尿白虎湯證

有少陽汗譫語少陽不可發汗只宜小柴胡湯有
火劫譫語以火劫發汗熱氣入胃故也救速湯有
汗多亡陽譫語不可下也宜柴胡桂枝湯和其榮衛
以通津液自愈 有下後譫語傷寒八九日下之胸
滿煩驚小便不利譫語身重不可轉側者柴胡加龍
骨牡蠣湯 有熱入血室譫語陽明病下血譫語者
熱入血室但頭汗出刺碁門又婦人中風經水適來
譫語為熱入血室小柴胡湯刺碁門穴有肝乘脾譫

語傷寒腹滿譫語寸口脉浮而緊此肝乘脾也名曰
橫刺脊門穴有晝則明了夜來譫語此熱入血室無
犯胃氣及上二焦不治自愈

仲景調胃承氣湯

大黃

酒漫

芒硝

甘草

右㕮咀水煎服加生薑亦得 調胃承氣湯與四物

湯各半一名玉燭散

大承氣湯

治大實
大滿

枳實

瘡麤炒

厚朴

滿薑製

大黃

實酒浸

芒硝

燥

小承氣湯

治太陽陽明實而微滿

枳實

麤炒

厚朴

製

大黃

生

海藏云調胃承氣湯治實而不滿即正陽陽明是也大

承氣湯治大滿大實即太陽陽明是也小承氣湯治

實而微滿少陽陽明是也太陽陽明正陽陽明為最

高之分故大黃但用酒浸從巔而下之也惟少陽陽

明為最下之分處三經之內故黃不用酒浸也非若

二經而高爾若最高之分用最下之藥則耳目昏冒
咽頰腫痛神癡不清之病有不免矣若最下之分用
最高之藥則胸中氣消日久不復虛損成勞之病有
不免矣故仲景三承氣湯各有主治隨經而異即不
同也 又年老虛人傷寒可下者大承氣湯調胃承
氣湯皆去硝慢火熬成玄明粉量輕重而下之

煉玄明粉法

朴硝三斤淘淨生好牙者用砂鍋一枚疊寔以炭火

十斤煨之徐徐輕沸可住大火令大沸定以炭蓋之
復以炭十五斤緊煨至火盡放令一伏時出鍋中藥
放紙上攤勻就地上以盆蓋之一伏時日晒乾入甘
草二兩炒微黃剉碎同搗細末量熱輕重沸點二三
錢亦可愈正經云味辛甘性冷則治熱病明矣兼味
辛又鹹此能潤燥而火堅也非大便燥結脉滑有力
及洪大者不宜服却言煖水藏女子服之補血脉有
失用藥寒熱之本意經云鹹能勝血豈能補血哉又

方治陰毒一句其言又為錯矣若與硫黃附子及諸陽藥多寡相佐而行則可以治陰中有伏陽也若是陰毒別無伏陽殺人速矣太清伏煉法云硝能制伏陽精解火石之毒則不治陰可知用者審詳也

仲景治襍病三物厚朴湯

厚朴

半兩

枳實

五斤

大黃

四兩

右以水一斗二升煎厚朴枳實取五升大黃四兩再煎取三升溫服一升腹中轉動失氣是也更作一服

下之不效再服易老治消渴在中為順氣散

調胃承氣湯加茅子寒水石為細末煉蜜調服

治疫氣大頭病 加當歸為滌毒散治時氣疙痞五

發瘡瘍喉閉雷頭 大便軟升麻荷葉湯陽震之象

也 王朝奉舉常器之云有大小便不通氣結一條

有大便不通連服三承氣湯及諸下湯不通者多

是氣結必死矣可針陰會穴在兩陰之間此數有救

得者因此亦有承氣內兼巴豆下而通者不可不知

加郁李仁佳 蜜導薑銳二法在後 氣結會食療

云酒服郁李仁四十九粒更瀉尤良

仲景厚朴七物湯

治腹痛脹滿

厚朴

半斤

大黃

三兩

生薑

五兩

桂

二兩

甘草

三兩

大棗

十兩

大枳實

五枚

右以水一斗煎取四升去滓溫服入合日三服 嘔

者加半夏五合 下痢者加大黃 寒多者加生薑

半斤 楊氏治身體腫滿水氣急卧不得郁李仁一

大合為細末和麪搜作餅子與食入口即大便通利
氣便差

仲景桃仁承氣湯此下證脉在左手中其熱邪侵盡無
形之氣則入有形血也 調胃承氣湯加桂桃仁引

而入血也

此當在畜
血條下

仲景枳實理中湯 煉蜜作丸如桐子大白湯下三十
丸

深師消飲丸

治宿酒停飲胸滿嘔逆目視眈眈腹中水聲痛不思飲食

白朮

二兩

茯苓

半兩

乾薑

七錢

枳實

七錢炒

右細末蜜丸桐子大空心溫水下三十丸日三服半

月愈

仲景神奇枳實湯治心下水 易老改二味作丸老年

內傷便軟

梅師治痞方

白朮 澤瀉

生薑煎服與枳朮湯相合四物亦作丸亦可

五苓平胃各半散 生薑調服治心下水 五苓加石

膏寒水石甘草為甘露飲亦治心下水並飲酒水瀉

者生薑調三五錢清濁立分

雄黃銳散

治下部蠱瘡

青箱子

雄黃

苦參

黃連

各三分

菹仁

去皮
一分

右為散以生艾搗汁和丸如棗核綿裹內下部扁竹
汁更佳冬無艾只用散綿裹內亦得狐惑與蠶皆為
蟲證傷寒熱入食少腸胃空虛三蟲行作求食蝕人
五藏及下部為蠶病其候齒無色舌盡白唇黑有瘡
忽忽喜眠上唇有瘡食其藏也下唇瘡食其肛也害
人甚急治蠶桃仁湯黃連犀角湯雄黃銳散
小便不通利

仲景猪苓湯

本少陰之劑以其有五苓味三故列陽明條下又治中脘與臍下有水或小便不通

猪苓 茯苓 澤瀉 滑石 阿膠

右每服五錢匕水二盞煎至一盞去滓內膠烱盡溫服日三小便不通一切利小便藥不效以其服附子太過消盡肺陰氣所不化師用黃連苓解毒而得通又劉子安病腦疽服內托散後泄不止小便大不通

亦消肺陰之過諸藥不效郭子明輩用五苓木通導之愈祕予用陳皮茯苓生甘艸之類肺氣下行遂通若正用利小便藥其不知本甚矣

靈苑治五腫淋疾 勞淋血淋氣淋石淋至甚者透格

散

消石

一兩無泥白者研為細末每服二錢

虛人宜玄明粉

諸淋各依湯使于後

勞倦虛損小便不出小腹急痛菜子末煎湯通後便